

濟野關志卷之十一

豫陽

平陽

宣文錄 南京禮部祠祭清吏司郎中前進士刑科給事中長洲張裕纂輯

入華戶部陝西清吏司主事前進士海陽陳大成校正

禁令

事關官學記禁於未發之謂豫周官令出惟行弗惟

權盤反蓋齊壹民志非禁令不可我

此國家渙大號會歸有極令甲昭然萬世恪守而

直對關隘封疆尤所嚴戢則上之

按皇章下之文告凡以坊民者莫可遺也

大明律

留贖

關津留難

凡關津往來船隻守把之人不即盤驗放行無故阻當者一日笞二十每一日加一等罪止笞五十○若官豪勢要之人乘船經過關津不服盤驗者杖一百

事例

弘治十三年奏准一應稅納錢鈔去處省令客商人等自納若權豪無藉之徒結黨把持攔截生事及將爛鈔低錢搪塞攪擾商稅者問罪枷號三箇

高月發落卷之十一

戶部節該欽奉

宣宗皇帝聖旨南京至北京沿河船隻除裝載官物外其餘受顧裝載人口貨物船隻計其料數若干程途遠近照見定例納舊鈔着有風力御史及戶部官分投於緊要河道處所監收如有隱匿及恃權豪勢要不納鈔者船没入官仍將犯人治罪欽此

直隸蘇州府爲陳言振肅風紀裨益治道事蒙巡按直隸監察御史史案驗奉都察院鎮字二千四百二十三號勘合劄付仰將戶部奏

准定到則例開刻大石立於關口務為經久其船大小應否收受一一明白敢有侵欺賣放大船詐作小船財物與恃勢不納者依律治罪

計河艍船自五尺五寸至一丈四尺止銀九分起至一兩二錢止

計長川烏艍船自五尺六寸至一丈四尺止銀九分起至一兩五錢三分止

弘治元年歲次戊申季夏知府賀霖同知毛瑄周冕通判藍通應佑倪文恒照磨楊通立石

在分司左

南京戶部為銀兩不充預為區處事准戶部咨據

委官雲南清吏司主事陳欽呈前事嘉靖九年五月初二日本部尚書梁等具題本月初五日奉聖旨是這監收船料等項雖稱具數造冊奏繳但所收多寡未免有侵欺之弊以致上虧國課下害小民無憑查考你部裏還議處停當開立禁革條件奏來定奪通行各鈔關遵守以除宿弊欽此欽遵查得嘉靖四年為應

詔陳言以裨

聖政以回天變事該本部置立印信空白稽考文簿三扇發去該鈔關委官主事收掌令其逐日填寫

船料商稅數目差滿之日將一扇存留本關備照
一扇委官收執一扇差人解部查考等因又爲陳
言時弊以裨

國用事該雲南道監察御史楊彝題該本部議行各
鈔關委官自文書到日爲始於附近府州縣內行
委佐貳官一員與同檢鈔人役查收錢鈔不必另
刷號紙就將原立稽考文簿一扇交付府州縣委
官令將收過錢鈔眼同各役登簿呈報主事查見
實數并將文簿二扇即時親筆於前件項下照款
填註明白錢鈔照常發府州縣收貯季終解部類

進差滿之日仍將簿籍三扇應存留備照解部俱
照舊施行如此而猶不飭廉隅不惜名檢者是謂
衣冠之盜聽本部指實叅行吏部不待考察即時
黜罷以示懲戒至於皂隸門子書筭等項聽各該
有司審編照常額送役不許自行收取更換致生
物議仍要嚴加訪察如有積年充當及各項作弊
情由徑自拿送各府州縣問罪發落抽分之時各
商裝載薪米并自用物件不得一槩混抽等因嘉
靖七年五月二十九日本部尚書鄒等具題本
聖年六月初二日奉 旨 欽此

聖旨是各鈔關收受商稅船料雖稽考嚴密而宿弊實不能盡除差出官負亦多苛刻取盈往來多怨今後務差老成廉靜的去嚴加關防覺察若再有貪鄙不惜行檢的你部裏便叅行吏部不待考察就行黜罷欽此又爲改收權稅以便商民以濟國用事該巡按直隸監察御史魏有本題該本部議擬合無行令各該鈔關委官主事將經過軍民船隻應該納錢鈔自嘉靖八年十月初一日爲始照例每鈔一貫折銀三釐每錢七文折銀一分傾瀉成錠轉發各該附近府州縣官庫收貯按季差委

經收人役依限解部轉送

內府內承運庫交納等因題奉

聖旨是准議行欽此俱經通行欽遵去後今奉前因

通查案呈到部臣等議照設關權稅上以裕

國課下以通商民誠非細務雖飭躬勵治存乎其人而救弊防姦當嚴於法顧

祖宗之所創制今日之所規畫良法美意無以復加臣等仰承

明旨因舊爲新謹將禁革事宜開立條件上陳伏候命下之日通行各鈔關主事着實奉行以除宿弊等

因嘉靖九年五月二十四日本部尚書梁 等具
題本月二十六日奉

聖旨是便通行遵守故違的着該地方撫按官查訪
指實糾舉欽此

計開

一出納官銀其弊有四或秤收之初不盡入官或
藏貯之處得以私取或傾煎之際隱匿多餘或
類解之時巧爲那換必須互相稽察庶得姦弊
可除合行各該巡按御史於所屬府州縣內選
委廉能佐貳官一員每季一換每日赴廠聽鈔

關主事督同公平秤收當即封記完固送本處
府州縣收庫積至千兩仍同傾煎成錠鑿鑿成
兩并委官銀匠姓名復寄該庫候一季已滿照
數對查明白差官類解本部轉送

內府交納掣取批關銷繳其所委府官文書到日
即便離任供事務要彼此前後交代接管違者
治罪

一各關船隻往來歲無定數而納料輕重舊有定
規隨船隻計梁面之濶狹因梁面查料銀之多
寡歲入之數固有可稽但日逐放過船隻收過

料銀出給船戶收票俱有掛號簿籍止在鈔關
收掌若不互相稽查亦難保其無弊合行各該
主事今後裝釘號簿每樣貳扇并收料文票俱
發彼處官司編號用印鈐記送廠收掌壹扇委
官收執遇有船戶納料就將船梁丈尺并料銀
分兩明開票內仍照票數目填寫在簿掛號對
同無差將票給付船戶收照每日分別船梁濶
狹料銀多寡類算總數令收銀委官於本部發
去稽考簿內逐一登記明白年終通將號簿發
彼處官司收貯每遇起解料銀之時主事照稽

考簿委官照掛號簿各開船梁丈尺料銀分兩
總數申呈本部彼處官司內將原填號簿一扇
印封就付解銀委官一同齎送到部逐一查對
磨算無差方與類進如有不明聽本部指實叅
究治罪

一船料則例原以裝載貨物多寡為率後從簡便
乃驗船梁濶狹定收料銀重輕大抵自五尺以
上始權其料至有一二丈者但船隻大小不齊
一丈以上者船漸大而料愈多一丈以下者船
漸小而料愈少又丈尺外不無零數若逐寸徵

求則所收料價筭及毫釐一則驗船之時則例
多端下人得以紊亂一則會總之際數易差失
侵剋難保必無合行各該主事今後丈量船隻
務要躬親驗看不得信憑下人瞞官增減誑索
財物其所收船料各照彼中原定舊例止以成
尺爲限此外若有零數悉捐以與民不許逐寸
科取致生弊端

一各鈔關止收船料惟山東臨清杭州北新關兼
收商稅凡各處車輛船隻裝載貨物經過或彼
發賣各照貨物精粗定收稅銀多寡具有則例

可遵合行各該主事出給告示曉諭商人每車
船到關不許投託鋪戶徑自開寫貨物從實報
官主事督同委官驗看明白照例折收銀兩出
給票帖備開某項貨物若干收過銀兩若干仍
於印信簿內逐一填寫掛號以備清查其類筭
總數各另申呈稽考等項悉照所題船料事理
一體遵照施行

一各鈔關主事公差滿日俱相交代惟九江去京
頗遠風水多阻差滿主事恐違批限輒先回還
一應事務屬之府縣委官舊政旣廢百弊漸生

深爲不便合無今後不待滿呈到部預於四箇
月前

題差更替其差滿主事務候接管官真到彼將錢
糧文卷交割明白及應行事宜逐一回授方離
差所違者聽本部叅究雖有事故亦不准理

一各鈔關合用筆墨紙張心紅油炭等項日不可
缺大約每月用呈文紙二百張價銀四錢刷票
裝簿紙二千五百張價銀一兩五錢毛邊紙二
十張價銀一錢墨三塊價銀七分五釐筆四十
枝價銀一錢三分三釐心紅十兩價銀四錢更

樓燈油三斤價銀七分五釐糊封皮麪二斤價
銀一分五釐煎銀炭一百五十斤價銀三錢銀
鞘鐵箍價銀二錢鑿銀錠字匠工食銀一錢共
該銀三兩九分八釐一年十二月共該銀三十
九兩五錢七分六釐合行各該主事每日於本
關發問犯人紙價贓罰銀內動支行所在州縣
兩平收買如有不敷就於船料銀兩督同委官
明白動支轉買應用就於按季解銀數內作正
一開除年終一併造冊
奏繳不許再行州縣動勞里甲官銀買辦送用違

者叅究治罪

一各鈔關書手門庫皂隸等項人役往時多用積
慣市民爲害百端近雖查革宿弊猶存合行各
該主事行令該府州縣每關於均徭內編審門
子二名庫子四名皂隸八名隨照彼處審編年
分更替仍行該府每年撥吏一名在關書辦收
掌卷宗州縣每月送吏二名填寫票簿計筭銀
兩務要嚴加禁約以肅衙門一應積年作弊人
役通行查革不許容留寬縱罪有所歸其商稅
巡攔地方總甲如有生事害人者悉聽主事鈐

束拿送所在官司問罪

一各鈔關有等無藉之徒專一招接船戶索騙銀
兩爲生每遇船戶到關引寫報單指以打點納
本料多派銀兩誑收在手止將料銀煎銷上納其
使用之數倍於正料內將一半分送在官人役
一半入已俗有船戶落鋪戶一料成兩料之語
船戶人等明知其弊但以往來必由之路慮恐
結怨不敢聲言故於攬載之時多取商人納料
等項甘心投託爲害亦多今給告示張掛曉諭
今後商人顧寫船隻止許交與水脚工食所納

料銀本商備辦足色銀兩徑自到廠照數報納
不許船戶干預違者各治以罪

戶部爲申明舊制監收船料以杜奸弊以充
國課事山西清吏司案呈奉本部送據本部委官主
事曹濡呈照得本職先奉本部劄委監收直隸蘇
州府許墅鎮鈔關船料除依奉外查得本關原奉
本部題

准則例船梁起於五尺止於一丈四尺本職到任日
逐眼同委官查驗凡船梁四尺八九寸不及五尺
者雖裝載重貨小閘聽其晝夜往來俱免納料其

間梁頭雖及五尺但係半載及蔬菜瓜果柴草輕
載亦量情免料柰何有等奸猾船戶故造五尺以
上無攏深長船隻裝載貨物多則二百餘石小亦
不下百五十石往往偷過小閘甚至用扛掀揭強
過圖免納料況今江南水溢重載大船多用起剥
而此等船隻商人利其快便爭先顧覓似此姑容
故縱奸猾慣使人皆效尤成風必致有虧

國課本職目擊其弊且於例有違除出給禁約着令
改正外誠恐愚民無知易惑難曉致生浮議深爲
未便合無將前項無攏船隻務令改正納料故違

者比照船没入官事例治以重罪仍立石小閘求
為遵守惟復別有定奪緣係申明舊例監收船料
以杜奸弊以充

國課事理未敢擅便擬合備由呈請伏乞照詳示下
以憑遵奉施行等因到部送司案呈到部看得主
事曹濡呈稱前因一節為照權稅則例自一丈四
尺以至五尺為止凡不及五尺者俱免納料係題
准事例行之已久蘇州搬剥小船四尺七八寸不及
五尺例應免料者甚多以此先任賴主事照依免
料尺寸濶狹起立小閘聽其不時往來最為民便

近來有等奸猾船戶乘機置造無攏深長船隻梁
頭雖不及數而載貨故反過多往往沉重不能出
閘必致用扛掀揭方得疏通上虧

國課下阻行商委屬違法相應禁治為此合行劄仰
本官照依劄付內事理今後遇有前項無攏深長
船隻裝有貨物俱由大閘經過放行照依五尺船
隻一體納料若其餘尋常不及五尺船隻裝載菜
菓柴草等物各照舊經由小閘仍出給告示曉諭
知悉施行毋得違錯不便須至劄付者嘉靖十四
年十二月吉日立石

在分司左小閘上

戶部主事陳 為禁約事照得當職叨蒙本部題
奉

欽依出典濟野關權政自揣菲薄大懼不任屢與心
期求對天鑒惟利源所在最為難防況人心險於
山川趨利急如風雨前是英賢繼作規範周詳法
立弊生人器政蠹今查舊有應行條件用加參酌
施行以與更始為此擬合通行示仰一應人等務
要遵守毋得故違自取罪責所有條件開列于後

一先自治 惟學莫先於義利之辨也心術之微
獨知之地正所當慎若毫釐有差則
理欲易位為害有不可勝言者願茲鈔關垢
賦所萃尤當嚴以律已廉以辦志本職夙夜

兢惶恐落坑塹有妨部規籲告神明砥礪名
節中間有所更革者亦憤擊時奸出於一心
之公斷非有所為而為也雖然在位萬目所
屬凡人情所不安或我身所不淑許諸人直
言以為自
新之助

一防詐冒 照得當職原籍廣東潮州府海陽縣
人家住嶺外四千餘里親弟三人在

家力農同相兄弟亦皆生員耕讀並無一人
出外經商如有詐冒之徒稱為弟男子姪名
色在於按屬地方誣騙財物許諸人拏送本
部從重問擬如有容隱訪出或事發一體重
究不
恕

一禁捏換 本關收受船料銀舊用銀囊填寫船
戶姓名梁頭廣狹銀數多寡最為便

益行之既久書吏庫夫等巧伺潛換以輕易
重誠為弊害今本職先將銀囊私用圖書鈐
記臨時照數給與仍用小簿登記每日用過
囊數通行稽查今後書吏人等敢有仍前捏

換掣易者事
發重治不恕

一定秤兌

訪得庫夫人等於上納料銀之時刁
難船戶需索秤頭蓋低昂在手任意
增添因而剋落及至煎銷啓折不無遺失今
後船戶料銀不拘多寡照依梁頭則例只用
一塊預先兌准進納
以杜低昂增添之弊

一肅眾役

本關書吏門皂老人惣甲民快人等
止是書辦役使應政務皆出當職自
裁此輩並不干預敢有在外誑騙財物索要
常例等項許諸人指實陳告以憑問治發遣

一除宿弊

本鎮光棍攬當多索工食或一身兩
役或廉價轉顧日則匿鈔混越大柵夜則縱
容剝載小閘險機慣熟情弊無涯今將舊民
兵盡行查革其新僉民快俱要正身着役不
許聽從包當若有不悛故違訪出或告發照
例問罪決
不爾貸

一嚴局課

本職監收本關船料及開辦該府各
稅課司局門攤等項課鈔例該年終
造冊 奏繳查得舊規司局將日收課鈔數
目有按季一造報者有十日一造報者疏數
不均皆為未便今酌量自本年六月二十六
日為始每月一次將日收課鈔數目從實造
冊官吏賈赴本部以憑查
考施行毋得故違取究

一嚴稽查

船隻可以潛通往來地方惣甲柵夫
恣意賣放有虧 國課今立循環二簿仰該
地方總甲柵夫人等但遇船到查有本部新
給號票即時填入文簿務將日月貫籍都圖
姓名船號梁頭料鈔多寡及所載貨物備細
開寫每十日賚簿并具不致受財賣放隱漏
等項情弊連名結狀赴部投遞以憑比較倒
換若船戶原無號票或將舊
票影射者即便拏解問罪

一束轉越

本關河港甚多往來舟楫可以分投
越渡仰各該巡檢司官吏督同總甲

柵夫人等務將日逐往來船隻公同驗放如無本部印信由票及不明開進港字樣與梁頭丈尺不登者即將人船拿解赴部以憑究治每月朔望官吏具結呈遞以憑查考施行

一 遏商姦

本關往來客商各照梁頭丈尺從實開報應納料銀照數上納其本鎮鋪

戶盡行革去不許聽其招引投託將尺減寸希圖免料量出枷號問罪仍將鋪戶問遣若有越轉小港假託官勢者事發一體照例施行

一 貞用度

本關公堂費用自有明例恪遵無所於易但當職人情家費俱從儉薄或

有不客已者即於本分俸薪內取給日有蔬菜之需俱依時估市買如有買辦人役措勒許該行直告重治

一 獎直言

當職所行事宜或有思慮所不及并利弊所當興革者許本鎮公正父老

直言以憑參酌施行自當屈已致謝其有怙惡不悛仍故作弊害人許諸人指實告言究治即於贓罰內量行給賞告者不爽

許墅關志卷之十二

南京禮部祠祭清吏司郎中前進士刑科給事中長洲張裕纂輯
 戶部陝西清吏司主事前進士海陽陳太歲校正
 人役

周禮閒民無常職轉移執事故府史胥徒祿
 足以代耕後世招募游手徒爾役之欲其不
 倚濫產姦難矣役於關者僅僅趨從固不能
 保其往也然皆取諸徭疇良族而又御者得
 其道姦欺吾知其免夫

大明律

官吏 其開官吏亦

濫設官吏 若吏典知印承差祗候禁子弓兵人等額外濫充者杖一百遷徙。○其罷閑官吏在外干預官事結攬寫發文案把持官府蠹政害民者並杖八十於犯人名下追銀二十兩付告人充賞仍於門首書寫過名三年不犯官為除去再犯加二等遷徙有所規避者從重論

問刑條例

各處司府州縣衛所等衙門主文書算快手皂隸總甲門禁庫子人等久戀衙門說事過錢把持官府飛詭稅糧起滅詞訟陷害良善及賣放強盜誣

執平民為從事發有顯跡情重者旗軍問發邊衛民并軍丁發附近俱充軍情輕者問罪枷號一箇月縱容官員作罷軟黜退失覺察者發常發落

許墅關分司人役

委官一員

本部題准事例每年按季行蘇州府經歷司轉呈巡按御史選委附近縣佐

驗

貳官一員赴部每日監同秤收船料銀兩至晚

算數呈報

府吏四名

專管本部分司文卷一年一換

縣吏四名

長洲縣二名吳縣二名每日在司填寫簿票一季一換

老人二名

輪流直日每日專管放船開閉浮橋

陰陽生二名每日專管報時并接遞士夫拜帖

門子二名長洲縣一名吳縣一名俱徭役內編僉

庫夫四名太倉州崑山常熟嘉定縣各一名俱徭役內編僉每季一名季終更換

皂隸八名長洲縣四名吳縣四名俱徭役內編僉

鋪兵一名泚野鋪長川祇應徭役內編僉

水夫八名姑蘇驛并遞運所呈送姑蘇驛一十名遞運所一十名

館夫一名姑蘇驛呈送

總甲二名本關地方人應當一年一換專管丈量船隻

民快三十名長洲縣十五名吳縣十五名輪流聽差日則解送船料銀兩至府夜則支

更看守庫藏

銀匠鑿字匠六名遇傾銷時行縣呈送暫用畢即發回

船埠頭一名

許野關志卷之十三

南禮部祠祭清吏司郎中前進士刑科給事中長洲張裕纂輯

戶部陝西清吏司主事前進士海陽陳大咸校正

祠廟

寺菴附載

夫祠以繫思廟以宅神有澤於斯土則歲祀

奉以展敬乞靈宜矣而梵宇叢林彌據其勝廬

贈山址參伍莫可遺也故併識之

許野關土地祠

在戶部分司儀門內

許野城隍廟

在戶部分司

廣福庵

在許野關東岸長洲縣入都宋寶慶年間僧如素建

光明庵

在許墅里長洲縣一都宋紹興三年僧原明建

光福講寺

在許墅東南十二里吳縣鄧尉山龜峯上梁大同年間建寺有舍利塔銅觀音

像郡水旱迎奉入城祈禱輒應嘗為人盜去尋復得之

甌山教寺

在許墅北五里陽山北竹青塘內五代天德年間僧德清建歸併庵四

奉先庵

在許墅里長洲縣二都宋寶曆年間僧本一建

廣福庵

見前

觀音庵二

一在長洲縣六都宋至和年間僧法堅建一在長洲縣八都宋寶慶年間

僧善應建

澄照教寺

在許墅西七里陽山下唐會昌年間丁僧知義起廢錢氏時有泉出寺中改仙泉院宋

祥符初賜今額有陳最記見文藝卷又有別院

名白蓮禪院宋謝濤嘗讀書其中。王禹偁宿仙泉院詩祭廟回來略問禪蘚墻莎徑碧山前風疏遠磬秋開講水響盤車夜救田藍綬有香花菡萏竹窓無寐月嬋娟自慙政術貽枯旱忍卧松陰漱石泉。又送草庵禪師詩陽山山下草菴深寂寂香燈對遠岑莫恠相看總無語坐禪為政一般心

靈濟廟

在許墅西七里陽山澄照寺內祀白龍神初廟在山巔宋太平興國中移建於山南

曹巷熙寧九年又遷于此建炎間主僧覺明重修紹興二十九年賜今額乾道四年奏封龍母為顯應夫人今載祀典春秋祀之祝文曰托育著靈變化不測典與雲致雨普濟萬物有宋胡偉碑文元胡應祠記俱見文藝卷

大覺教寺

在許墅西十二里陽山南地名黃村宋寶慶元年僧本誠建歸併寺二庵四。

盧堪詩談笑寶樓開湖光劈面來浮雲空翠鏡明鏡若為臺野鳥啣花去潭龍作雨回坐參真

法境無意
到蓬萊

北峯寺

在許墅西十五里吳縣支

華山寺

在許墅西十二里華山蓮

覺林寺

在許墅東北十二里長洲縣

壽慈庵

在許墅宋咸淳五年僧如葵建

覺海庵

在許墅仁建。徐有貞詩遊與殊未盡

強君還共行登山身特健看竹眼偏明醉覺
人寰小間知世事輕芳時莫孤負誰得是昇
平。沈周詩幽居嫌未遠窈窕藉雲重地濕
千莖菌門陰十個松古厨寒食飯虛谷夜分
鐘起坐月當午推窓見碧峯。茆峯舊到今
又宿一夜頓忘行力勞隔橋虎跡林雨過聒
枕鳥聲山日高自知狂客興不淺豈是老禪
吾愛逃悠悠竹閣盟漱際恰有微風吹髮毛

西資庵

在許墅里長洲縣六

福嚴庵

在許墅里長洲縣一

蓮花教寺

在許墅西十五里陽山西太湖濱唐神

宅為寺僧法行開
山歸併寺一庵三

陸香寺

在許墅西十里長洲縣西北

慶慈庵

在許墅里長洲縣七

七寶泉庵

在許墅里吳縣十九都元延

汝玉詩磴轉青巖斷泉歸綠竇深擷芳遵澗
曲列席就蘿陰野迥寒雲徹山昏夕照沉酒
酣情未極延賞洽幽心。吳寬詩誰將七寶
地貯此一泓秋片月從空墮清冰出壑流冷
涵山骨瘦細啜竹泉幽半
勺能消暑名宜水記收

深居庵

在許墅元泰定四年僧廣疇建

觀音寺

在許墅西十二里支硎山東麓即古之報恩寺也。皮日休詩寺鎖雙峯寂不開幽人

中夜獨徘徊池紋帶月鋪金簾蓮朵含風動王杯往往竹稍搖翡翠時時杉子擲莓苔可憐此際誰曾見唯有支公盡看來。陸龜蒙詩峯抱池光曲岸平月臨虛檻夜何清僧穿小檜纜分影魚驚高荷漸有聲因憶故山吟易苦爭橫新

南峯寺

在許墅西十五里支硎山之南峯舊名天峯院又名支硎寺。劉長卿詩支公去已久寂寞龍華會古木閉空山蒼然暮相對林巒

非一狀水石有餘態密竹藏晦明群峯爭向背峯峯帶落日步步入青靄香氣空翠中猿聲暮雲外留連南臺客想像西方內因逐溪水還觀心兩無礙。僧皎然詩上方精舍遠共宿白雲端寂寞千峯夜蕭條萬木寒山光露下見松色月中看却與西林別歸心即欲閑。皮日休贈僧詩雪侵壞衲重隈肩不下南峯不計年池裏

射瀆庵

在許墅南里長洲一都

寒山禪寺

在許墅東南二十里郡城閭門外西十里楓橋下相傳寒山拾得嘗止此故名

在宋改為妙刹普明塔院太平興國初節度使孫承祐建浮屠七成嘉祐中改為普明禪院紹興四年僧法遷重建洪武中僧昌崇重修。張繼詩月落烏啼霜滿天江村漁火對愁眠姑蘇城外寒山寺夜半鐘聲到客船。張師中詩吳門多精藍此寺名尤古距城七里餘冠蓋日旁午斜徑通採香遠岫對樓虎寺扉橫野橋塔影落前浦霜樓鳴曉鐘夕舸雙檣方丈中有人學佛洞禪語跡忙心已閑道樂行彌苦不為喧所遷意以靜為主何必深山林巒峯遠軒戶。

程師孟詩門對青山盡不如師今一念六年居
過年寺好尤瀟灑張繼題詩內翰書。孫覲詩
晚泊橋邊寺迎風坐一軒好山半隔岸流水漫
過門未舫朝天路青林近郭村主人頭似雪恠
我到多番。閭闔層城外寒山古道西若人具
眼隻與佛拍肩齊白浪噴鷗首黃塵送馬蹄
憧南北路一榻有白樓。白首重來一夢中
山不改舊時容烏啼月落橋邊寺歌枕遙聞半
夜鍾。翠木蒼藤一兩家門依古柳抱村斜
城流水參差是不見玄都舊日花。三年瘴海
卧炎宵夢際清風一水遙萬里歸來愁古物銅
駝埋沒草齊腰。張孝祥詩四年忽忽兩經過
古岸依然宰渚波借我繩牀
消午暑亂蟬鳴處竹陰多

虎丘禪寺

在滄野東南十五里虎丘山晉咸和二
東西二寺今合為一宋至道中重建即劔池分為
景祐中建御書閣紹熙中建藏殿尋皆燬於兵
元至元四年僧晉明重建大明末樂二十二年
重修有楊士奇記俱見文藝卷。暫引寒泉濯

遠塵此生多是異鄉人荆溪夜雨花飛疾吳苑
秋風月落頻萬里高低雲外路百年榮辱夢中
身世間誰似西林客一卧烟霞四十春。張祐
詩雲樹擁崔嵬深行異俗埃寺門山外入石壁
地中開俯砌池光動登樓海氣來傷心萬年意
金玉葬寒灰。囂塵楚城外一寺枕通波松色
入門遠岡形連院多花時長到處別路半經過
惆悵舊時客空房深荔蘿。林逋送僧還虎丘
詩子子歸檣五兩輕佛林禪石抱雲根單囊憇
罷還微笑却是青山不出門。倪讚詩余適偶
入城本是山中客舟經二王宅弔古覽陳迹松
陰始停午嵐氣忽歛夕欲去仍徘徊題詩滿苔
石。張羽詩逶迤度前峯到寺行屢歇齋庖竹
外烟歧路松間雪觀水悟真乘聞香解蟬院欲
共老僧言相
對還無說

東山廟

在虎丘山門內東麓祀晉司徒王珣舊
衣冠寂寞掩塵幃不能復使
桓公怒莫恠年來祭客稀

西山廟 在虎丘山西祀晉司空王珉珉與兄珣捨別業為寺故寺中立祠祀之居民皆

祀為土神

和靖先生祠 在虎丘山西庵祀尹肅公惇紹興中嘗讀書於此扁所居曰三畏齋嘉定

七年知府徐芾始繪像祀之九年郡人孟猷等遷于上方通幽軒之南提舉吳格割公田四十畝為修葺之費後廢改祀于學宮嘉靖四十年知府胡纘宗建和靖讀書臺塑像祀之

許墅關志卷之十四

南京禮部祠祭清吏司郎中前進士刑科給事中長洲張裕纂輯

戶部陝西清吏司主事前進士海陽陳大成校正

橋梁

吳之郊圻悉鑿溝澮納太湖支流以灌漑行

舟如逾絕跨越則有杠梁倚徇通焉後世鞭

石結甃為費益鉅矣於是凡橋梁迫鎮而有

名者畧書以存扶欄垂虹之概且以紀衝煙

卧波之勝也

普思橋 在許墅戶部分司北宋慶元三年僧妙壽建有石刻云許市紀慶庵僧妙壽施橋面

石塊幸衆灰椿功德報答四恩三有法界衆生
同成妙果伏願亡者生天見存獲慶後圯弘治
九年主事陳煥諭衆重建有
大學士吳寬記見文藝卷

普恩橋 在許墅關北俗呼為南新
橋成化七年主事顏瑄建

竹青塘橋 在許墅關北
胡匠橋 在許墅關北

龍華寺橋 在許墅關北
南余橋 **北余橋** **楊莊涇橋**

錦帆涇橋 **夏墩涇橋** **趙王塘橋** **蠡湖橋** 有石刻

性通橋 **許家橋** **何家橋** **談道橋** **支家橋**

瓜山橋 **葉巷橋** **張巷橋** **象山橋** **吳巷橋**

已上俱在許墅彭華鄉

楓橋 在許墅東南二十里舊作封橋因張繼詩相承作楓橋。張繼詩見寒山寺卷內。張祐

詩長洲苑外草蕭蕭却算遊程歲月遙唯有別
時今不忘暮烟疎雨過楓橋。湯仲友詩出城
才七里地僻罕會過孤塔臨官道三門背運河
鐘鳴驚鳥宿墻矮入漁歌醉裏看題壁如今張
繼多。高啓詩畫橋三百映江城詩裏楓橋
獨有名幾度經過憶長繼烏啼月落又鐘聲

江村橋 在許墅東南二里
射瀆橋 在許墅南十里

杜莊涇橋 在許墅南九里
長勝涇橋

望僊橋 在許墅西七里陽山
通安橋 在許墅西九里

永樂橋 在通安橋西
上龍塘橋 在通安橋西

虎山橋 在許墅東南十二里光福寺前西接太湖

名泰定橋成化乙未重修今仍舊名。吳寬詩
南人相見詫杭州自料西湖讓一籌天為漁家
開下崦晚宜畫舫駐中流新詩已判縱橫寫佳
景從交次第遊孺子歌聲何處起落霞孤鶩水

悠悠

許野關志卷之十五

南京禮部祠祭清吏司郎中前進士刑科給事中長洲張裕纂輯

戶部陝西清吏司主事前進士海陽陳忞校正

丘墓

忠賢之藏樵牧厲禁

明制則爾矣墓域麗於鎮者君子嘗封培之
識之固埋柴掩骼之盛心而近鎮諸丘丕
著者爰稽郡乘錄附一二亦以識遺蹟警
遐思也

吳王闔閭墓在虎丘山劍池

王禹偁詩惜哉吳王墓
秦帝嘗開破應笑埋金

王千年賈為禍不待虎跡消已聞鮑車過又是驪
山頭炎炎三月火。○范仲淹詩昔見虎耽耽今為
佛子巖雲寒不出寺。劍淨未離潭幽步蘿垂徑高
禪雪閉菴吳都十萬戶烟火亘東南。○王紳詩山
頭古寺多陳迹故國空餘氣象雄霸業已隨流水
去闔閭墳草又西風。○張伯玉詩東客從來過虎
丘橘花渡口維扁舟闔閭宮殿不可見但對古樹
寒颼颼憶昔吳王全盛日水犀十萬橫只鈎楚山
既掘荆人冢越嶺仍將勾踐囚豈謂西施能破國
誰知麋鹿上臺遊惟有吳王在時月夜深幽照劍
池秋。○高啓詩水銀為海接黃泉一穴曾勞萬卒
穿謾說深機防盜賊難令朽骨化神仙空山虎去
秋風後衰榭烏啼夜月邊地下
應知無敵國何須深葬劍三千

吳王夫老墓在陽山

吳越春秋云夫老既伏劍越王葬其旁其義子墳十八所俱在陽山號亞父塚

瓊姬墓與夫老墓相近

瓊姬夫老女

莫格墓在虎丘北

越絕書云墓去縣二十里莫格古賢人避世者

漢丞相陸烈墓在秦餘杭山

或云在虎丘山西北十里

山陰令陸寂墓在烈墳東二里

青州刺史郁泰玄墓在泇墅西南十五里玄墓山

即其地

泰玄性仁恕葬日燕數千啣土今冢獨高大異他墳村鄉歲時祭祀

唐河南法曹參軍張從師墓在虎丘

張說撰志稱從師辨博閎達好

古逸羣秀才高第歷官五政弟從申善書子惟倫惟靜皆精左氏穀梁春秋

繇余氏墓在虎丘

吳越錢文炳廣陵王猷子宋開寶初於報恩寺側古松區中發

一墓寺僧止之弗從文炳被一黑蜂螫之即絕明日其子知玄昏仆醒言見一人古貌身長丈餘語曰我帝堯之臣繇余氏也與陶臣氏烏陀氏佐禹治水以功封吳葬此地乃海東漸之山

吉可安也汝父何剛復邪發時見骸骨長逾丈
脛且三尺明如金色寺僧復為掩之見錢希白
記○羅長源曰帝堯至宋開寶其精爽猶在信
直諒忠忱之不泯也○按虎丘寺舊名報恩其
言海東漸之山地吉可安則虎丘舊稱海
涌峰山地之勝神人與之自古而然矣

幽獨君墓在虎丘

宋大曆十二年有鬼題詩二章
隱于虎丘石壁詩云青松多悲

風蕭蕭聲且哀南山接北山幽隴空崔嵬白日
空昭昭不照長夜臺雖知生者樂魂魄安能迴
况復念所親痛哭心肝摧慟哭復何言哀哉復
哀哉○神仙不可學形化空遊翬白日非我朝
青松為我門雖復隔幽隴猶知念子孫何以遣
悲怨萬物歸其根寄言世上人莫厭臨芳尊莊
生問枯骨至樂亦虛言○蘇州觀察使李道昌
以聞勅令致祭後數日復隱出詩云幽明雖異
路平昔忝攻文欲知潛寐處山北兩孤墳○寺
之北有二墳甚高大莫詳姓氏故稱為幽獨君

真娘墓在虎丘山路傍圖經云在雲巖寺西南山

下

真娘吳妓館閣書目有真娘墓詩一卷○李
紳詩一株繁艷春城盡雙對慈門忍草生秋

態自隨風燭滅愛心難逐雨花輕黛清皮月空
蟾影歌息梁塵有梵聲還似錢塘蘇小小祗應

回首是卿卿○白居易詞真娘墓頭草霜摧桃李風折
真娘鏡中面唯見真娘墓頭草霜摧桃李風折

蓮貞娘死時猶少照脂膚黃手不牢固世間尤
物難留連易銷歇塞比花江南雪○譚銖詩虎

丘山下冢累累松柏蕭條盡可悲何事世人唯
重色真娘墓上獨留詩○李商隱詩虎丘山下

劍池邊長遣遊人嘆逝川骨對斷絲悲舞席出
雲清梵想歌筵柳眉空吐女顰葉偷飛還飛買

笑錢一自香魂沼不得祗應江上獨嬋娟○王
禹偁詩女命在乎色士命在乎才無才無色者

未死如塵灰虎丘真娘墓山是空土堆香窈與
膩骨銷散如黃埃向事千百年一名猶在哉吳

越多婦人死即藏山根無色故無名丘冢空崔
嵬唯此真娘墓客到情徘徊我是好名士為爾

傾一杯我非好色者後入無相哈○楊備詩米
肌玉骨有遺妍粉作嬌雲黛作烟短有香窈埋

下

不得夜深巖底月中仙。高啓詩金釵葬小墳
楊柳寺前墳已斷花間信空歸月下魂山鶯留
曲韻草露帶啼痕車馬逢寒食還來酌酒樽
顧瑛詩何處真娘墓雲霧斷石根夜深風雨急
誰喚海棠魂蘇子詩不見當時窈窕娘空遺
孤冢對斜陽凄涼夜雨悲理髮埋沒春風怨錦
囊墳上不生連理對人間那得返魂香
分明蘇小西陵路草綠藤蕪易斷腸

宋晉國公丁謂墓在華山習嘉原

范文正公仲淹墓在天平山三讓原

滕章敏公元發墓在陽山栗鳴蘇軾銘

同知樞密滕康墓正議大夫滕高知解州滕中知

蕪湖縣滕修將仕郎滕璞四墓並在華山

翰林侍讀學士錢藻墓在天平山龍岡村曾鞏銘

尚書右丞朱諤墓在陽山下

樞密資政節愍公王倫墓在陽山大石鳴離許墅

二里倫字正道使金雷六年不受偽官自縊死其子述冒萬死與從兄遵同北方豪傑訪

得父骨於河間而歸紹熙中勅葬於此

范文穆公成大墓在天平山南上沙村公營先隴時更名仰

山天

奉議郎鄭時發墓兵部尚書鄭起潛墓並在陽山

西理宗嘗書錦峰二字以表其地

運幹湯暉老墓在虎丘西謝巷

鄭虎臣墓在陽山西白龍祠南虎臣字景召

武功大夫濮州團練使浙西路總管開公趙墓在

許墅趙天瑞志見文藝卷

鎮東將僉判王公斗墓在許墅王庚孫志見文藝卷

定城令方君夫人墓在許墅方汝勉志見文藝卷

真州司法參軍朱夢炎墓在許墅彭華鄉福星涇

許墅關志卷之十五

許墅關志卷之十六

南蘇郡相祭清吏司郎中前進荆科給事中長洲張裕纂輯

戶部陝西清吏司主事前進士海陽陳忞校正

文藝

夫地勝以文章而重故金渾玉璞虎變龍翔

文也勝寔藉焉茲關為吾蘇郊圻勝地前有

作者漫多散逸迺蒐討有關於茲者錄之庶

知文為地著地亦以文勝也嗣是君子尚迓

續之

國計堂記 于範主事

凡水陸場務所權者皆爲

國家計也至於筭商舟則以部職主之蓋利重課多
又計之大者也予作分司堂因以國計名焉或曰
國計盈縮係乎人有庶墨堂之崇卑不預焉雖然
隘陋至於等威不辨亦非所以別上下而重名器
也計國者固不專於陋簡爲也辛未歲初予承
命來許墅見其堂敞甚廣僅丈許高不及半藉地不
階其勢碗然欲傾且濕淖不可居中列公案右圍
板爲庫間以木屏庫役止宿其間朝夕嘈囂甚非
規制蓋爲主者僅一稔而代以期近易爲因循且

去府餘三十里阻於遠難爲葺治是故相尋日就
于圯予爲之愀然遂銳志修理顧費無所出乃較
筭區畫凡船有匿稅不輸者罰之使出木數株或
磚石灰瓦若干輸而不盡者半之土人號鋪戶而
攬納者又倍之積三月稍裕乃謀及郡守林君利
瞻忻然曰某之職也即爲命工遣役爰撤而新之
視舊制加拓焉增四楹爲軒築三級爲階因階爲
道達於大門堂四楹軒如之高二丈二尺廣倍焉
前後相距則三丈有奇側爲庫房三間繚以高垣
封以堅戶用寄料銀暮使庫夫環守焉雖不甚壯

麗望之亦頗軒敞輪奐視昔有間矣或曰損上益
下國之大計也今予割下所有以華其居且以國
計名之無乃左乎予曰不然處已以公而廉待人
以明而恕則損上益下之道得矣若夫商船影射
不輸者則姦人耳且人尤而效之國課虧矣罰
而不宥正以為國計也以名堂烏乎不宜是役
也經始於三月二十八日訖工於五月二十五日
林君謂不可無言以紀歲月故云

燕思堂記

楊循吉

禮部主事
吳縣人

國家立鈔關一在許墅弘治丙辰戶部主事劉君堯

章寔以推選來主其計商平賦均克有成績惟是
公衙之宇不足無退食之室賓至若于廳事弗便
慨將畫之顧視厥後有廡相直惟闕右是宜則室
其北牖其南垣其外中設揖讓之位而且以為息
焉不費而亟成易規而大備既成題曰燕思堂於
是延涼納溫冬夏咸宜圖史在座花石盈庭客之
登者莫不樂之他日以其意命予以記曰官政之
修惟思乃克然非偃仰優柔之有地則思亦無寄
焉自吾來茲夙夜匪懈惟勉其職是圖然南檣北
舵日勾較不暇雖欲覽古今以求通於務其無能

矣顧吾爲斯堂蓋以思而不以豫也敢弗志乎且是塗居要津之會凡鉅公魁士由南北而來者無不得皆接是吾堂日有人焉彼皆天下之英俊吾宜思而與之齊庶其及也夫燕居燕也燕會亦燕也一名二義而皆用吾心故謂之燕思也子其書之君名煥真定藁城人癸丑進士涖官公清尤洽文史達於治而厚於德識者期以遠大其爲是堂廣已之道而遺後之益非無謂以爲也遂謹受而記焉若其槩君所云皆具書事貴核故不復列吾言云

燕思堂碑陰記

劉煥 主事

朝廷經畫度支尤嚴鈔法於是分設權司於津會
有七焉歲以戶部官一負主其事蘇州滸墅其一
也惟是官署有堂有庫有門若垣咸更創於閻君
廷璽嗣繕完於鄭君叔昭顧堂後有寢廡廂庖然
久益圯庫則燥濕之不時弗可居寧官餘亦無燕
息之所弘治丙辰予以職事來茲乃屬所思相功
計費論力役民財勿重傷功惟從簡厥材仍舊而
惟去其朽蠹者陶瓦益新而惟汰其惡濫者正曷
咸宜圻填如度經始於三月庚寅逾二月功竣因

即其東隅三楹以爲堂書燕思以名之易曰君子
思不出其位夫出位而思則情易肆徑情直行則
事且易墮思誠不可已也若惟公事告暇登堂索
處必慎思是爲國計思其未平會計思其未精
舟楫思其未通本源思其未微靜有不達而勤於
思自治之道得矣且蘇地南連閩越北帶揚徐達
人薦紳日過踵接若或登堂胥晤欵洽言懷非燕
暱是謀則思開覺我迷塗警悟我荒寧至德善言
思我所未聞異政卓行思我所未行動有不合而
假於思資人之道得矣嗟乎事變之來無窮而思

運於精神有限惟服官任事者殫心竭思尚慮弗
逮而曰吾以知若勇將無不達何事於思焉其爲
毒滋多矣予用是懼故作堂而廣其思且請於禮
部楊君紀其事庸書碑陰以告夫臨事善思者

許墅鎮鈔關部使題名記

劉燁然員外郎

周禮九賦斂財有曰關賦關有賦古也厥用待王
之膳服聯門市掌其治禁達貨賄以傳節出之否
則舉其貨罰其人是在司關關有司職也王制關
執禁以譏說者以爲司徒之屬今鈔關隸之戶部
修古職也蘇之鎮曰許墅

國初置鈔關領之郡邑未著於令景泰初元始以部
屬分務示有專也其制周代者交歲即古以歲之
成質於大司徒從質於天子之制也其法重嘉靖
癸未予承乏於此顧才不足以塞職深懼權利者
府怨速謗者辱位達其難而恃以無恐得以守官
而充厥位必有司存繫余來斯尚書部取

俞旨檄以付之曰持廉秉公禁革奸弊臣職在是矣
敢不承乏以精白殫厥力而惟績之成然必有明
徵以爲之規漢人謂不善爲吏視已成事善諭也
宋曾鞏氏亦以師已試而與自用者孰爲得失蓋

事行有考也功有藝也否則義不壹行無類矣因
稽諸前寮長遠者近者可述而志可望而知者雖
靜躁不同趨舍萬殊要之情可睹也質而守之約
而行之洩其過濟其不及去其否以成其可人各
有長事各有得顧予未能而願學也維可者學之
而已持衆美效之職其庶矣乎若然前寮長功斯
地而德於余也善也善不可沒老泉謂平居聞一
善必問其人之姓名與鄉里所在以想見其爲人
此所以次其名而題諸石義也前此王人賔旅傳
朝命達貨賄斂關而艤者駢累踵繼展力而給之日

薄務叢而為亦不足矣視此則不暇比歲歉道梗而闕寂無譁澹然無營顧可辭於執筆俾之不泯前緒無廢後觀時也時且義在春秋法必書故記之余竊載名於上議隨加焉推心亮節在斯逢尤罹詬在斯斯石也不識有榮耀乎有餘戮乎尚賴公於議者夫議而能公人也所以公者天也記之以竢嘉靖甲申秋九月立

冰玉堂箴

有叙

前人

予初涖滸墅關退國計堂後觀其扁曰冰玉始於前寮長西蜀周君崇義君立行可模置言成範予

素仰止者稱名稽類寔

爰率辭揆方惟易

繫乾為冰為玉蓋天之

冰淆於水則離玉間於石

不相掩故中貞而外潔蓋天之所以全也世之論

清白者皆歸之以其純也而冰玉之得此者無物

也吾固有純而無物者性也貴義利之辨公平理

無所為而為先儒亦以錢穀為性分內事吾惟辨

義以體性慎厥初而弗迷何較於心哉消縮以毀

其真垢類以分其粹人也何尤若然則斯堂名以

冰玉其取類也大其旨遠望形表而附影領嘉聲

而響和因箴以自警云凌陰風壯完璞輝山虛明
秀徹足天下之美觀孰假其用顏之堂而匪玩惟
是氣粹孰若性靈斲之積雪韞之中局式瞻熒熒
惕我泠泠吁嗟乎此堂而妙有餘師予之往矣知
所歸固自茲而無味也

蘇郡濬墅高士軒記

馮承芳

主事

蘇郡濬墅鎮設有戶部分司其堂之南有屋一區
面背軒敞窓扉洞達堦除匝以花木四序各敷其
榮明淨可喜其扁則爲閱帆亭予遡而思之子朱
子爲簿於同安時有高士軒之名輒移其所以名

軒者名之謹錄其記於右竊附已意以申其說夫
君子自立於世也不繫乎官秩之崇卑而在乎人
品之高下朱子簿同安而以高士名軒語人品也
况身爲郎署司國家之計不以士之高者自期
待寧不負上下之望乎孔子曰飯蔬食飲水曲肱
而枕之樂亦在其中矣不義而富且貴於我如浮
雲嗚呼非士之至高者其孰能與於斯蓋必能安
貧然後可以樂道能樂道然後可以忘情於富貴
處紛華波蕩之間苟非中有所主覬覦之念鮮不
萌動何也有見於外無見於內也臨金玉而銖視

欽定四庫全書
清野閣志卷之六
八
軟貪泉而不易是固高士之一端也若乃貪夫殉財齷齪碌碌貧而來富而去者固無足議而欺世盜名有初鮮終尸而官塗而民者是又聖賢之罪人也雖然寓同安高士之軒前乎朱子不可攷也後乎朱子不可詳也朱子自名之而自蹈之信乎斯名稱情也寓泮墅高士之軒前乎予者可知也後乎予者亦可知也顧名思義以求其實天理人心自不誣於公論於乎其可不敬而戒之也哉

朱子自附宋同安主簿廳高士軒記

晦菴

同安主簿舍西北隅有屋數楹牆宇儼立牖竊亢爽大抵疏絜可喜而嘉花美木又列植于其外意前人爲之以待治簿書之暇日而燕休焉予至處之而宜獨眎其故名若不與事相符因更以爲高士軒客或難予漢世高士不爲主簿者實御史屬漢官御史府典制度文章大夫位上卿亞丞相主其簿書祿秩不卑矣彼徒不屑爲之故足以爲高也今子僕僕焉以主縣簿於此而以高士名其居不亦戾乎予曰固也是其言也亦豈不曰士安得獨自高其遭則亡不可爲已乎雖然予有異焉曰不遭而亡不可爲也謂士不能獨自高則若彼者

乃亦未覩夫高也予聞古之君子其學道行義足以自信而已得喪豐悴無所入於其中惟其在我者浩然而亡所詘於彼則亦豈有所待而高耶然則主簿者雖甚卑何足以害其高而此軒雖陋高士者亦或有時而來也顧予不足以當之其有待於後之君子云爾客唯唯而退因書之壁以爲記云

許墅鈔關石碁記

戴冠 紹興府學訓導長洲人

鈔關之設天下凡若干所吳郡許墅其一也聞之正統己巳變後歲荐饑設此以資兵荒之費一時

權宜之政也其後作輟率無專官第利源一啓不可復塞今則漸爲定制矣弘治己未永定賴侯以地官尚書郎來涖是任既至歎曰利之所在人所趨也苟不爬梳剔抉以清其源則昔嘗乾沒於是者如蠅逐臭如螿赴羶幾何而不爲民病邪且來涖事者歲率一易就使賢者亦不過因循苟且莫爲久遠之規縱爲之未必繼者能從與否也爲之柰何迺召匠石作石碁於中流當衙前缺如河流設權去南畔缺其中五尺不設權蓋鈔關之制舟廣五尺以上者例納稅以下弗稅使舟當權者自

不可踰不當權者得自往來而人莫能沮也砥成
四方商賈之遠吳地百里之近咸受其利益商賈
舟雖多入關不過一經若近地小舟朝莫往來如
織縱不納稅爲權所遏亦不得速達卒徒或得並
緣抑取一遇閉權則終日不行啓則紛然競進而
壅塞彼此不利也今則罔不自遂何幸哉使侯不
爲此砥則今雖無楛於民安知後之爲政者悉能
體侯今日之心乎是則此砥之作不惟善權商之
政於一時將善權商之政於無窮也侯名先字伯
啓弘治庚戌進士善政當不止此請書於石以告

來者

許墅鎮創義塾記

方鵬

貞外郎

俗善於教不善於不教教無類矣愛人者必欲人
同歸於善教也十室之邑必有忠信許墅環居千
餘姓若棄地然豈人之弗率哉涖茲土亦民之先
弗及指歸之秦越同胞也玄默關政亦難矣予來
有激立義塾圖於鎮之民及執權之官僉若之訪
尼院於義華塾北去署里許中路於城隍祠離面
襟廓環峙秀內灝景無際近市而塵囂罔及塾也
允宜議同以告往協攸獲命官濟厥成懋哉不妨

有權長洲丞陽朔莫自廣曰此丞職也祇若事底
法吳江丞石門汪宗榮吳簿洵陽張鳳儀胥繼贊
績工費惟設處資足歸老他院左偏街右買戴仲
玉陳堯光地後買朱楫等地各一分二釐咸籍惠
錦稅惟牟前買顧擘牟田六分五釐廣拓七十餘
尺深益有半十附近民董工顧澤陳詔王憑曰開
啓隴曠躋於善俗賜鎮於無窮敢不力有終飭舊
宇禊所未足盡北建禮樓五間中明善堂三間前
塾門三間兩垂兩翼各八間厨東一西二井一廉
地秩瓴甃固甃砌備聖贖完絜殊慰藏修游息續

納惠錦園地於厨之西作便所封宋定城令圮塚
垣於內杜奸害併各稅於公無累舊主約鎮之童
子八歲就傳習小學俟簡於塾修大學明體適用
延志哲爲師資予朔望揭虔先聖先師畢聚講
驗進二丁率之舍菜臺考亦咨揚提撕引翼使遜
志時敏遠大自期不屑屑於佔俾餘力事射冠昏
喪祭禮學風風乎父兄焉宗族焉親友焉鄰比焉
痼疾庶乎用勸也疏善於塾舉鄉飲禮尊高年克
率改行之老善教子弟者亦與焉德懋昭漸賓予
主之欲其不化者寡矣經始辛卯二月越四月訖

工迷民懌觀風來鄰鎮諸生日衆陶以嗣進兆足
以行矣督學政侍御晉江丘先生按士過予義之
拔文優數人應試仍檄府籌悉塾事如古書院設
山長類隸長洲學專委訓導一員往來稽程維持
永久鎮之民幸也或者曰事近於迂夫大德不官
大道不器大信不約大時不齊坐廢天下事者拘
也善人多非小補立人達人聖訓孔昭予匪人懋
行之何病或曰土木貪媒獨不回好事者之口夫
人無慾則不役於物可以直行其道掩飾者終露
任事有人參伍簿書永實稽弗色厲行違自欺於

目前奚其嫌或曰年代職也踐更矛盾弊誚藂集
事僭子往矣夫秉彛無我諒不自戾學道愛人殆
有甚焉者矣或曰民罔常懷因物易遷能約去後
如今耶夫媿瑕殄必不自棄見賢思齊迪知懋厥
終奚於予是視識者請曰崇聖有所蘇城勞止客
舟便矣教事孚惠荒擾坐爭關政清矣義哉塾也
盍壽諸澤等龍舊石以進草草付大畧如其未備
俟時宜君子

許墅義塾記

華鑰

兵部郎中
無錫人

許墅鎮歲設戶部官一員總洩關課其沿舊矣真

外郎懷寧方公其大於其事事之明年展土募義
創義塾以教鄉人又創范文正公書院設木主歲
一祀之以爲鄉人勸時民樂其役士歸其教卓聞
日起會董學政監察御史晉江丘公以義至又委
學訓司之條約於是略備方公當代司訓黎國用
暨諸生唐勳蔣芝秀謀所以紀之者問言於予予
每歎近文正鄉弗克揚瀾遏流以衍其休而庸可
以不文辭哉竊惟先王立教因地制宜以維民性
諸所作息嚮往必試諸禮義廉耻之歸其家之有
塾者又教之所自始者維之密而域之愈嚴也今
三吳郡縣莫不有學

國家造士其詳矣乃若古之小學以前豐植根本者
亦存乎其人焉耳泮墅又吳之饒會日惟長短奇
贏以相滋殖不知吾性爲何物所以遷之者方膠
固牢結於其中其視先王之教謂何是故典法軌
物固在也亦典法軌物爾引之而弗入操之而弗
安猶吾教也斯塾乃揭祀文正自吾民一念自趨
之天而觸之殆必有悠然同得者矣文正之道復
性叙倫而已吾性至若炳如日星豈假外求哉若
徒雜服謏聞以自足而曰學云非文正之徒也學

譬則射也性若至的也古人其毅率也君子能引
人以毅率而不能必其中之巧學之者夫亦必諸
其心副之以力持之以安亦庶乎其可也嗚呼監
察化人之要方公闢塾之意也然予又聞公於關
政不塞不疏慎固以先廉潔其賢於人者遠矣而
今日風厲之端於是乎在不然急役煩民非細也
而各以地以田以圃以力趨之若豫焉者其孰能
之公其往已敢以是風諸人人

因家於十許墅鎮創祀宋文正公范先生書院記

三吳酒樓莫不有學

方鵬

先生蘇人也許墅蘇地也原非居里書院祀焉矯
俗也蘇之往哲多矣獨處者就人所知耳先生去
今五百餘年卓然之風青天白日許墅談者了了
如見先生何所待而興其豪傑之士與予觀先生
所爲之事皆今人所當爲者茲許墅出風氣之表
躡遺芳而著聞者幾人耶使先生所爲矯情媚世
以大其美則不可爲矣戾於人情之常則不必爲
矣根天理之正不奪於私順人心之同不牽於怪
今何憚而不爲耶人自絕之先生始孤高於前矣
能自奮者肯曰我欲役倫羣類聚靈於萬物造化

賦予無少虧欠其志行獨不肖人道誰其厄之寧
不負所生哉企其懿媿其不懿務去其媿求至其
企弗至弗措焉業儒也豫天下事於胸中擴良心
以有爲義理所在礪礪落落舉而措之篤近舉遠
毋顧忌毋退遜毋戾毋比毋襲毋俟毋已有隨所
處而惠澤流行不逐逐於虛聲而寡實效窮達一
致泰如也先生之矩步的矣身雖齊民不死其良
心推平旦之好惡廷於膠擾之際由家庭而宗族
鄰里鄉黨交與勉爲忠厚而狡詐是耻老窮不遺
強不犯弱衆不暴寡自拔鄙陋而惇爽矣今泮墅

也誰其人與盖有之矣苦傳畏咻莫子其歸也安
得懿其俗哉予固設義塾敦教事矣見廣福菴右
畔別墅一所幽邃軒豁林木蒼樾日惟叢族博徒
蠹俗尤甚令顧澤輩推餘工葺頽益新玲瓏戶牖
堅甃屏壁創重門拓院落充廣翼宇完潔堦砌暨
燠煥然邪塑盡撤設先生木主於中堂歲時特牲
祀之揭扁樹碑以昭不朽屏浮蕩之迹寓諸生肄
業昕夕仰瞻而企慕修爲誘之孔易矣有來于堂
均得觀感則勸弘矣競力全好則先生之懿不擅
於一身不止於一時不拘於一方受賜衍賜沛然

無既矣猶或有無自待焉得謂之學哉得謂之人
哉唯肄業諸生脫俗自強為民之先可也或有過
其齊民之望不知予之初意也風俗所以難振鈞
是人也晞驥乘晞顏顏徒存乎其人不甘自誣
何難哉或謂非後學之極致予恐作輟相勝戶庭
難跂足也行遠登高此莫非發軔之地尋向上去
自莫可禦但戒自足耳先生事蹟六一碑悉今人
莫不知不復具仲尹之事有投杼之疑當闕之書
院成仍令守於僧母仍傾圮焉嘉靖辛卯歲仲夏
日

許市重造普思橋記

吳寬

學士謚文定吳縣人

許市在蘇州西北境上其民際水而居農賈襍處
為吳中一大鎮自景泰間

朝廷置權司於此舟楫停集居民益繁貿易往來以
限於官河皆稱不便成化初雖嘗作橋以免濟渡
而南北遼絕人跡折旋猶以為不便也里父老相
傳故有橋在周孝侯廟傍訪求之果得石刻題曰
普思橋視其時宋慶元三年也乃圖重造而不敢
專以戶部主事藁城劉君煥方奉命分司於此
敏而有為始合言以請君曰是民功也吾何敢沮

且從而獎勵之他日工部主事貴溪姚君文灝行
水至聞其事亦從而勸相之民既樂爲則又言於
知府史侯侯曰宜又言于巡撫都御史朱公公亦
曰宜於是更相告言出財以助凡得白金若干兩
擇弘治九年五月興功是年十二月功畢劉君喜
其事之果成也曰是橋財費甚鉅勞力甚多然而
利益甚大不可使後人無所攷也介鄉貢進士浦
君應祥請文以記夫事之成未有不由於人和者
周之作洛曰四方民大和會橋梁之役雖非是比
然民不欲爲則上之人雖驅而使之不能成也至

於民既欲爲上之人或拂之而不從則其事亦
能成哉惟夫民欲爲之上能從之故雖財費鉅而
勞力多不待踰歲而穹窿堅厚不易爲之役遂以
告完雖然人則和矣亦惟得其時耳蓋吳自古爲
澤國數被水患今歲則大熟粒米狼戾既有秋成
之利視義所在慨然施予亦不之吝此事所以易
成也與橋之脩一十二丈其廣二丈三尺崇如廣
而減二尺董其役者曰倪俊凡出財者其姓名則
列刻于碑陰云

宋定城令君方氏夫人墓志銘 方汝勉

夫人方氏諱靜真世出茗溪皇曾祖朝散大夫渭
皇祖朝奉大夫通判紹興府縑皇考迪功郎丹徒
縣主簿燠後占姑蘇故從事郎定城令君趙公用
夫人生於乾道庚寅三月二日終於淳祐辛丑三
月四日享年七十有二以子勞遇明慶霈封太孺
人子三人長勳疾癈次勞承直郎淮東摠領所準
備差遣皆先夫人亡次鵬舉業儒女二人長適迪
功郎江州司戶楊澤次適進士張復震孫男七人
出繼者一女四人明年壬寅二月庚申鵬舉護夫
人柩葬于姑蘇長洲縣彭華鄉虎嘜之原合定城

公之兆也夫人性婉而識明氣剛而志正言動皆
與刑趙氏內外五千指咸取則焉治家以樸儉爲
先初笄之衣莫年翼如也然財不求豐僅足而已
姻親貧者賙之恐後每歎曰吾少時屯棘更嘗至
矣今粗得清適於是鑪熏貝葉自課忘倦淺斟無
筭竟日熙熙忽嬰微疾卒然而逝得道者莫能過
也卜葬有日鵬舉書來求銘汝勉於夫人爲內表
而夫人之在盛氏也以女娶焉期待尉薦最爲深
厚且知夫人行實甚熟也其敢以不文辭銘曰茗
溪之淑嬪于姑蘇趙族蕃熾間言一無定城公沒

撫其諸孤不愧三遷賢譽翁如儉以禮制嚴以恕
扶內典遊心能味其腴鬱哉佳城虎嘯之墟勒銘
堅石萬世與俱表弟朝奉郎通判福建軍州兼管
內勸農事汝勉撰從弟從事郎新建康學教授逢
辰書文林郎差充淮東漕置大夫準備差遣王際
題蓋昧昏蒙庶幾其長誠稟貝葉自昭志於文博無
歐錄貪宋故武功大夫濮州團練使浙西路總管
大府并開公埋銘其收也然根趙天瑞對吳而巳
公諱趙字興宋世爲沂州臨沂縣人公名本姓也
因夷狄亂華以開爲姓者欲闢大我國家之疆土

云耳曾祖喜祖忠俱贈武義大夫父某封武義大
夫其封贈皆從本姓則公改姓之意又著矣曾祖
妣李氏祖妣張氏母某公自紹興二十八年結豪
傑起義兵衆推公爲首不旬日有衆數萬收復密
州日照縣等處聚集忠義三十餘萬攻淄齊等州
差充忠義軍馬都統制隸京東河北路招撫使李
寶軍同遊海道十一月差充山東河北路忠義兵
馬都統制將所將大漢軍三千餘人及本部統制
將等二萬餘人歸正本朝三十二年春授修武郎
閣門祗候充忠義遊擊軍都統制秋轉武翼郎隆

興元年二月轉武功郎改差充沂州忠義軍馬都
統制告爲先海州策應解圍之功也當年壽皇登
極覃恩轉武英大夫差充鎮江府駐劄御前右軍
統制二年召對稱旨賜金帶差統殿司右軍統領
十一月改差充江陰軍駐劄御前水軍統制結局
依前殿司供職乾道二年轉武略大夫英州刺史
告爲膠西密州之功也三年將歸正人解沂作過
例降受武義大夫依前英州刺史添差兩浙西路
兵馬都監臨安府駐劄四年叙復武略大夫充浙
西兵馬鈐轄臨安府駐劄七年依前兵馬鈐轄平
江駐劄未赴改平江府兵馬總管轉武顯大夫淳
熙改元添差浙西馬步軍副總管五年轉武義大
夫十二年因父武義侯疾危剖肝以救事聞於朝
上謂公孝其親可特授濮州團練使十二月丁武
功憂服除再任公以紹熙改元三月一日終于平
江私第之正寢享年五十有七是年六月十四日
葬於長洲縣彭華鄉管山之原去武義墳無步二
十妻令人林氏先陷虜未歸得旨許娶乃娶解氏
先公十年卒公有子天瑞天錫保義郎從祖武義
姓以爲繼曰佐保義郎試中材武未注授曰偉保

義郎見任侍衛步軍司左軍馬軍準備將曰佑曰
伸習舉業曰儀曰侁皆幼孫男四人孫女一人孤
子天瑞銜哀識

宋鎮東將僉判王公墓志

先君諱斗文字仰之先世自閩徙吳遂爲笠澤人
少力學精六典嘉定己卯預鄉薦庚辰登乙科其
歷官以丁艱而不赴者一慶元戶祿也以選部注
者二池陽警曹金陵酒庫也以辟差者三當塗差
遣淮西總幙也以京秩之先也其刻薦則提舉趙
公范郡守楊公空雲汪公紹制使善湘以陞

削舉制使吳公 蔡公範帥閩陳公愷楊公恢督

視史公 以改秩舉漕使曾公頴茂鄭公起潛

京尹趙公興憲郡守高公夢月以陞削舉叅政王
公伯大侍郎樓公冶以特薦舉也其積階則由迪
功郎關陞從政郎由儒林郎改通直郎洎轉奉議
郎爲憲臺誣以他過降授宣教郎越六年而後復
繼轉承議郎自淳祐己酉再起合該朝奉郎方磨
勘間而先君朝旨往鄞郡審勘死囚染疾致斃郡
守憐其勤勞王事有請于朝許令通理納祿矣先
君性恬澹雖登仕版不改寒素善與人交手不停

編小善一藝無不錄也廉以律已勤以盡職若身
若家一不暇計故宦游所至有聲書判成帙飾吏
事者爭傳以爲法不務進取每以耐菴自號督餉
循資則悉遜同寅而不芥蒞獄空底績則三見其
效而不自矜處帥幕則放軍請之孤遺宰京畿則
以已俸而代賦所施未及萬一竟以淳祐辛亥仲
冬七日捐館享年六十有五曾祖閔故從事郎祖
直隱德不仕父籍累贈朝奉郎母太安人施氏後
先君十有一月卒妻陶氏封孺人子庚孫將以次
年孟冬癸酉奉柩葬于長洲縣彭華鄉許墅之原
庚孫泣血書

重封宋圮墓大畧

方鵬

許墅虎嘯之諱名也地平原葬稍起處亦不窳避
浸惟攢石厚土封爲丘嗣祀無恙世遠祀弗嗣民
日稠廬燥而居墓罹不仁之害矣予來改尼院爲
義塾與民比鄰原古之葬地也蔽於環居而莫知
之民惠錦執負租累歲故納塾傍西園作便所往
視盡圮塚露三木左中並而中陷右下皆尺餘

環木盡蔬僅一畦剝塚土而高下未夷詢董工民云趙王墓也錄泐志來見則宋承議郎耐菴王先生所葬命完砌移土厚封匝界瓴垣通門於塾以杜外伺夷畦偪垣樹栢數十株飭溝臺得志石一角覓集散泐又宋定城令配孺人方氏刻也緣地連葬續人次姓合稱日久傳訛遂爵指之非也兩石尚悉可據聞趙石爲奸者滅跡於水無可覓今按方志則三木皆趙定城者或以右木少讓爲耐菴之柩斷無此理方以淳祐壬寅合葬於定城之兆趙氏內外取則於方尚五千指而王庚孫瘞耐菴則淳祐壬子相距十年趙豈竟絕而容異姓亂耶况庚孫自志厥考又非昧者必知遠嫌肯自亂其祀耶竊人之塚以附其親孝子能爲之哉至愚泥術私已葬氣破亦不爲也有謂趙之副室附於方之右不敢齊下之理或然耳及審耐菴墓顧澤輩又云前數年有民顧燁訟民孫永吉兄弟發二塚于官今皆不存居亦另姓矣耐菴之墓必罹此害也由此觀之發人之塚者安於無主竟爲他人圖而招自絕焉天道好還鬼神所司假手之報豈欺無主哉耐菴墓無迹矣幸泐石可集甃立於塾

園趙之門南昭不雜亦託以享祀人爲同類斯文更親之嗣幽冥豈無戚焉君子不忍也二先生斯文也時而祀之君子可以觀其仁焉之嗣之俗庶乎免夫雖然古之人葬親從土自厚慎防也趙之三木三百餘年非堅莫待今完木更重也而今而後仁人孝子鑒益昭昭矣

陽山澄照寺記

陳最 宋人

佛宇之興其來尚矣自竺乾入洛象教歸周琅函流貝葉之文寶塔闕玉毫之相莫不圖諸爽塏樹乃精藍苟非背山面林左泉右石則何以延大千

之開士啓孤獨之名園是故鷲嶺雄標世尊因而說法雙林秀拔惠遠由是奠居蓋人境之兩殊亦古今而一致蘇州郡城西北三十五里山曰陽山山之下寺曰澄照先是唐會昌中丁某施白馬磧宅爲白鶴寺後有龍興寺僧智義嗟其年紀浸遠名額僅存榛莽靡除基址甚隘於是鴻臚卿左衛大將軍曹茂達六代孫玄祚捨祠堂基以構寺不改舊額因而遷之始劫茆茨數十間而已觀其岡巒環合巖谷洞呀其佛者之津梁乃道林之形勝靈啓其地人與厥謀決智力而有開獲神明之來

義寺中有靈泉潛發莫窮其源決洩蓋自於神明
疏鑿豈因於人力引山渠者數派溉民田者百勝
水旱不更其淺深遠邇必沾其潤利為國彭城威
顯公嘗而異之因改曰僊泉我宋祥符初始賜今
額乾德中義公既歿上足蘊明嗣而續之敞廣殿
以安眸容飾華龕而度大藏厨有庫香積之供成
僧有堂收雲之衆集晨昏是警鼓鍾於百尺之臺
水陸致虔設會於五層之閣而又置懺院法華院
亭榭高揭房廊繚周眈然巍然不勝其壯觀矣開
寶中太保韓公承德復捨梳洗樓為塔院詳其始

末敘厥廢興見徵蕪辭用紀瓊琰時天禧五年十

一月二十一日

陽山靈濟廟碑文

胡偉

宋人

中吳古澤國也春夏之季陰晴不常鄉民以是卜
白龍之歸相傳東晉隆安中繆氏女因出歸塗日
暮天欲雨忽遇老人詢姓氏居所願假避雨待旦
而前語竟失老人所在已而有娠父母惡而逐之
乞食於鄰踰年產一肉塊棄之水中忽焉塊破化
為白龍蜿蜒母前若有所告母驚仆地頃臈雷電
晦冥風雨交作良久開霽則白龍天矯於山椒俄

還產所視母已死乃飛騰而去鄉民厚葬其母於此今所謂龍塚是也自是馮巫以求立祠且言所產白龍已廟食長沙於是鄉民建龍母廟於山巔每歲是日龍歸省母前期旬日天氣肅寒四山烟雨乍晴復合誕辰龍必見形或長身尋丈隱顯衆山之上或小如蜥蜴依於廟貌暴風雷雨澍溝號木則其驗也昔廬山僧祖照嘗述其本原於壁廟宇自國初繇山顛遷於山南曹巷熙寧丙辰再遷於今所建炎中寺僧覺明又葺今祠紹興己卯四月帥漕以祈雨有應奏賜靈濟廟額乾道戊子二

月郡守姚憲奏封龍母顯應夫人偉聞歲在庚辰三月三日客有艤舟南徐者有白衣老人附舟云吾至自長沙欲省親於蘇之陽山願以錢十緡僦直先酬其半舟師從之辰已間解維至夜僅行數十里老人怒其緩自爲操舟舟師因共卧遲明蹴之使興舟已近岸距南徐三百六十里矣老人翩然登岸徐步入廟舟師隨之寂無形影顧龍母帳前僦舟半值在焉既而雷雨大作問寺僧始知龍歸也乃輟餘直飯僧而去偉嘗書之漫云錄中長沙廟食誕辰省母至此益驗乃爲迎享送神詩遺

諸鄉民俾歌以祀焉其辭曰春花落兮春服成雨
霏霏兮煙冥冥秧鉞綠兮蛙部鳴風蕭瑟兮林有
秋聲縞爲旌兮素爲葆山之顛兮雲之杪雷車轟
兮電光掃龍將歸兮非蚤簫筦沸兮鞀鼓喧肴羞
苾芬兮酒醴潔蠲盱蠻兮精意專嚴薦享兮屬袂
摩肩歲有常兮應斯至人與神兮情何異嬰兒慕
兮綵服戲母子樂兮融融洩洩吳沃壤兮千里平
勤稼穡兮勞農氓曰雨曰暘兮神有靈願垂陰相
兮應其誠倏忽萬里兮姑少憩酌獻盡禮兮期終
遐惠年登穀熟兮益虔祀事自今以始兮千斯秋

而萬斯歲

重修陽山白龍祠記

胡應元進士

古者山川能出雲爲風雨皆曰神則祀之龍至神
物乘風雲逐雷電澤下土嘘吸陰陽變化莫測於
乎靈哉崇封顯秩命圭衮裳祝禱禱祠報事無怠
禮也吳城西三十里陽山之麓爲澄照寺寺故有
白龍祠宋累封忠烈昭應廣惠靈豐公神母顯正
孚順靈善妃夫人若子咸錫嘉號邦人奉事唯謹
祠重建于宋紹定壬辰歲久圯毀蠹滋勢凜凜欲
壓寺僧守澄哀積衣貲復以浮屠法募樂施者僅

營兩廡重繪左右壁殿役最鉅功未易就會叅政
張公謁祠下慨然曰龍爲靈非他祀比吾歲奉朝
命凡餉餼繇東南者航海以達于京風恬波平舟
楫如砥迄濟登茲匪神疇相是山龍所載毓而廟
貌弗修非缺歟迺捐金出粟掄材簡匠殿廬塔祀
像設導衛咸撤而新之丹碧髹堊瓦甍甃壘視昔
爲侈更以田四十餘畝歸寺給祠事所以致力於
神者至矣噫萬生總總孰迫而康靡賜愆亢靡潦
淫汨敷爲氣和繫爾神靈惟叅政公誠與神孚克
隆斯舉而淳師又能以善信於人皆可書也已余

先墓去寺近知祠宇興復爲詳師以記屬義弗得
辭初神繇陽山發祥而著迹陳山闡靈湖湘間具
前後二記不書公名瑄今爲資善大夫江西等處
行中書省叅知政事祠之脩始元貞乙未越明年
丙申告成距始建甲子踰一周云大德己亥三月
記

虎丘雲巖寺記

王隨

宋學士

夫玄黃判質肇自乎太極融結辨位式分於方域
凡鍾靈秀之氣悉爲勝異之壤圖誌具載言不可
已姑蘇乃吳會劇部茂苑名封川塗當閩越之衝

分次應斗牛之宿膏田多稼歲儲以之流衍雲屋
比居風俗于焉富庶俯重湖之縹緲煙景何窮睇
百城之紆餘金刹相望虎丘山者按吳地記云本
名海涌山去吳縣西九里二百步高一百三十尺
周二百一十丈越絕書曰吳王闔閭塚在吳縣閭
門外名曰虎丘下池廣六十步水深一丈五尺銅
棺三重瀕池六尺玉鳧之流扁諸之劍魚腸三千
在焉發卒六十萬人治之葬三日白虎居其上故
有茲號又世說云秦皇帝因遊海右自滬瀆經此
山欲發墳取寶忽有白虎出而拒之始皇挺劍刺

虎虎奔而隱因改爲虎丘焉故上有劍池或曰秦
皇試劍池亦謂之磨劍池今則長十有三丈濶餘
三尋其深莫可測矣古詩云劍池無底浸雲根又
云沉沉劍池水直上連滄溟後以唐祖廟諱更爲
武丘云其山又有響師虎泉陸羽茶井真娘墓生
公臺石壁見其鬼詩林逋回其仙馭詭異之迹莫
可悉述雲巖寺即晉王氏伯仲珣珉捨別業以創
焉始於一山中分兩寺故顏魯公詩云不到東西
寺于今五十春今則合而爲一先是至道中嶽牧
貳卿魏公庠改爲禪刹延清順尊者演法主之彼

美招提實爲絕境粉垣回繚外莫覩其崇巒松門
鬱深中迥藏於嘉致故前賢詩云老僧祇怕山移
去日莫先教鎖寺門又云宿雲侵曉去不待寺門
開若乃層軒翼飛上出雲霓華殿山屹旁礙星日
景物清輝寮宇岑寂千年之鶴多集四照之花競
拆垂組縹纓之彥靡不登臨達心了義之人終焉
宴息允所謂浙右之壯觀天下之靈跡者矣其有
古高僧之行樂諸名公之詠題編錄盡存羗難備
叙禪師用慈道行明潔智懷淵廓自招提宗唱克
奉神君屢飛翰於雲鸞祈鏤文於金石愧先聖之

歎輒成章於狂斐數頭陀之碑聊寓言於髣髴云
爾時天聖二年歲次甲子六月念八日翰林侍讀
學士中散大夫守尚書禮部侍郎同知通進銀臺
司門下封駁事護軍琅琊郡開國侯食邑一千九
百戶食實封二百戶賜紫金魚袋王隨記

虎丘雲巖禪寺修造記

楊士奇

大學士廬陵人

蘇長洲縣之西北不十里有山曰虎丘吳闔閭所
葬處世傳既葬有白虎之異故名岡阜盤鬱泉石
竒詭蓋晉王珣及弟珉之別墅咸和二年捐爲寺
始東西二寺唐會昌中合爲一而名雲巖者則昉

於宋大中祥符間載盧熊郡志如此始清順尊者
主此寺至隆振歷世變故寺屢壞輒屢有興禪師
而復之洪武甲戌寺復燬永樂初普真主寺始作
佛殿寺僧寶林重葺浮圖七級繼普真者宗南作
文殊殿十七年良玠繼宗南是年作庖庫作東廡
明年作西廡作選佛場又明年作妙莊嚴閣三年
落成蓋寺至良玠始復完所作閣之功最鉅凡三
重崇一百尺有奇廣八十尺有奇深六十尺上奉
三世佛及萬佛像中奉觀音大士及諸天像其材
之費爲鈔三十餘萬貫金石綵繪之費六十餘萬

貫又經營作天王殿以次成良玠抗之海昌人原
石其字前僧錄闡教止菴其師也余聞諸刑部主
事陳元宗云原石嘗從亢宗遊遂因以求余記其
成余聞虎丘據蘇之勝歲時蘇人耆老壯少閑暇
而出遊者必之於此士大夫宴餞賓客亦必之於
此四方貴人名流之過蘇者必不以事而廢遊於
此也然亦有興念夫王氏之嘗樂於此者乎當是
時王氏父子兄弟寵祿隆盛光榮赫奕舉一世孰
加也而能遺棄所樂輕若脫屣焉者豈獨以爲福
利之資乎其亦審夫富貴之不可久處與子孫之

未必世有者乎雖其智識趨向高明正大不足以庶幾范希文之爲而無所係累乎外物視李文饒溺情役志下至草木之微者豈不超然過之也而自建寺以來今千餘年雖屢壞而屢興其飛薨傑構凌切雲漢與其山川相輝煥稱名勝於東南愈久而不衰者固佛之道足以鼓動天下亦必其徒多得夫瑰瑋踔絕刻厲勤篤材智之人能張大其師之道以致夫多助之力也瑰瑋踔絕刻厲勤篤之人其用意也弘其立志也確有不爲爲之而孰禦其成哉嗟乎其若是也使就於世用有不立事

建功而可以裨當時聞後世哉吾又以慨夫屢見之於彼而鮮遇於此也永樂二十二年甲辰歲記

入詩補

尹和靖先生祠記

黃幹

宋儒

和靖先生寓居平江府虎丘西菴榜曰三畏齋去之七十五年郡守直祕閣陳君芾通守太學博士丁君焞始度菴空地爲屋繪先生像祠焉尊前賢厲後學也先生諱焞洛陽人年二十師程子舉闈策士議誅元祐黨人不荅遂棄舉子業靖康初以布衣召不至詔褒爲和靖處士洛陽陷家殲焉先生死復蘇竄長安山谷中逆豫以禮聘溺水逃去

展轉蜀道累年紹興初以崇政殿說書召凡二十
辭八年冬始入見除祕書郎遷太常少卿權禮部
侍郎每遷輒辭其冬除徽猷閣待制提舉萬壽觀
辭不已遂奉外祠即虎丘以居年已七十矣後二
年竟沒于會稽之寓舍先生所寓於世如此蓋嘗
考先生之所學篤於踐行不爲虛語未嘗求人之
知人亦莫能窺其所蘊今其可見者經帷進講門
人記錄耳惟即其所寓於世者觀其所處然後知
先生之於道卓乎不可及矣至於歷險難之極而
不變處貴顯之驟而不動抱仁戴義終其身而不

悔非盛德能若是乎程子之門從游之士皆宏博
俊偉極天下之選而於先生亟稱之其察之審矣
里巷小人顛實於利害之塗不足道學士大夫則
知義理矣臨利害毫髮即棄其所守聞先生之風
得無小愧與二君爲是祠亦名教所係故述其躬
行大節以示學者庶幾驗之於身而有得云嘉定
七年六月既望記

許墅諸賢祠記

陳大成 主事

國家治放周禮惟膳服取諸關市之入故津會有權
許墅其一也司關掌國貨之節凡貨賄出入與其

治禁皆屬焉茲民署之僚以
命往典厥采其司歟夫權者致財司權者所以致乎
財者也近賦易潤處阿堵惡有漁色征商稅舟又
非政之善者嗚呼蓋亦難矣夫君子能有所期也
故能有所立然後有所成圖難於其易允藏哉可
以觀政矣關於滸百有餘年部使者主之肇自景
泰至弘治著爲定制以歲會爲瓜期交承事事凡
若干人皆法施於民以益于時在祭法宜祀也粵
稽故籍文正公降靈彭華爲滸人舊祀寢廢方其
大甫始復於廣福夫公振古德業鼎彝竹帛有勒

鮮克儷矣宜其血食是邦以存典刑士游茲土者
率寤寐嚮往以爲依歸曠世相感之妙有不容於
已者又前後部使之相踵均百僚師師之臣工雖
有剛柔靜躁之殊要皆惟義之安並潔聯光占名
世籍斯舉祀諸臣而叙文正公典禮於諸臣之上
得非闡百世下自附之私而公之推賢與能之心
亦可見矣夫彰美於前傳盛於後心神領會其揆
則一風教樹於一方吾道賴以不墜夫豈小補也
哉嘗聞鄉先生沒而祭于社賢士大夫有功德者
所在置祠地靈必鍾人傑以彰之境常思人以發

其藏於是見千載論世者自得乎懇懇好德之盛
心而山川鬼神亦不能忘情於若人之不顯信不
誣矣區區援郡邑崇祀之例以義起之一得之愚
謬妄多矣乃者冀鎮秀民之能士爲之繕塾延師
以教之塾傍有廳事一爰新之以祀文正公升分
司題名羣公以祔其後俾春秋報享一堂先朝露
者尸祝之見位鼎司則扁爵里姓氏而揭之堂蓋
取生祠之意俟後之同志者采而登之因書其額
曰諸賢祠

附錄修志啓

前人

大咸猥鄙敢以許志見瀆于執事者謹具疏曰惟
許墅據姑蘇西北上接瓜埠中達大江下匯吳會
巨浸以入于海於地爲上游蕃興之區也峙錫山
於左迤邐經於虎丘之陰後擁陽觀大石環西湖
爲玄武之枕又形勝甲乎一方陽德炳耀寔於是
在

國朝設關治權政必於茲焉良有以也永樂肇始因
革不常景泰初元規制漸立弘治以後令甲昭然
是故有課額有則例職官公署宮室建置至于疆
域古蹟沿革之類甲列條分境之思人也久矣弗

志而錄是為缺典大成以踈庸謬膺八世文矣
俞檄承之以來深以文獻不足為懼幾欲緒而就之
俗迫務叢臨楮茫然遂謀一二賢輩僉曰甘節哉
甘節哉恭惟先生道宗邃古學邁先聞編德五始
之林下瞰三長之擅生素辱厚於三山茲幸邇光
於三吳敢以斯志見累墨卿倘不鄙夷特賜垂允
則一鎮之形勝物槩得以垂諸不朽以風後來是
乃執事之澤之流為世道繫也不淺淺矣

義塾延師啟

前人

惟娥子時述故能成大埴惟幼稚講習故能發聰
明肆觀許鎮俗趨鄙薄競坐賈區要十倍生於其
間者幼而觀焉長而化焉中有不受變者卒為豪
傑古曰化民成俗必由於學信矣本鎮西舊有義
塾可為游息之地今集童生若干敦請 大賢士
主教事於其中道之以孝弟忠信俾其知所矜式
嚮往他日得為善人效用是亦執事之賜之光也
幸俯從是副

水江燕初飛不見人遠樹依依如送客平田渺渺獨
傷神那堪回首長洲苑烽火年年報虜塵

許墅

方回

元人

太湖晚山雨白鳥去冥冥古冢多無後荒祠豈有靈
異峰巉石骨遠樹聳人形兵革已甦息廢田蒲稗青

許墅高士軒

朱寔昌

號鶴坡御
史高安人

兩年幾醉闕帆亭何事今朝易此名志向欲追朱仲
晦是非不媿左丘明一江流水分清濁萬古人心有
鑑衡爲報往來商賈者許關今不滯行程

幾年孤負此西亭今日先生始定名陽嶺冬松同節

操太湖秋水共清明點檢古今堪品士從教盈縮只
持衡九原欲起同安簿德教還希作世程

胡纘宗

號可泉蘇州知府今
陞都御史秦州人

吳門之西古有亭高士高士今始名城壓太湖千舸
集日移東海片帆明寰輿去住心無跡釣石低昂國
有衡黃鵠孤飛動千里九天遼邈自雲程

方鵬

真外郎

獨向風前坐晚亭野人率性愧修名天空楚國山疑
遠月霽吳江水倍明來往有情憐過棹低昂無語笑
持衡閑堦鶴舞漁翁散何處歌聲數客程

陳大咸 主事

腦雪渾消暖透亭春來縱葦訪山名風檣浪漫迷雲
迥水鑑空寒照膽明畦圃有蔬勤灌甕病魔無力戒
騎衡明明 台訓鏤肝肺 行時 儉翁有 飛夢燕臺

第幾程

張裕 給事中

閱帆底事昔名亭今假同安高士名未厭簿書皆仕
道總親錢穀自光明人心有主空懸鑑大道無私可
折衡多少機關往來客何曾停棹問歸程

伍餘福 號寒泉負外 郎吳縣人

使君自是超凡格權利能存古道看神合不知稱異
世行高常得附同安江山雪盡開軒霽水竹風多入
座寒衮衮溪流有清濁為君吟罷獨凭欄

方鵬

公餘大半日無事不厭殘編取次看戀戀齏鹽知已
少蕭蕭庭館主人安忘情每薄彈長鈇入夢猶甜說
廣寒更喜捲簾山色重化工元不限花欄

陳大咸

癖性從來耽好山吳中偏得好山看僅餘廩餼資身
足寬着路歧行步安月轉觚稜雙杵聒匣藏星斗一

龍寒臺邊松檜堪培壅不種新花損舊欄

張裕

春來出郭無一舍四合韶華不厭看鳥逐帆檣花外

去人依耕賈樹邊安琅函雲護龍光逼寶劍星芒虎

氣寒珍重使君心似水公餘詠物對雕欄

公餘大半日無事不須吟詠施侃

主事歸安人

一徑踈篁內悠悠高士亭清風圍白榻秀色照空明

得句鷗為侶持心水作形衣冠憐潦倒歲晚獨君醒

方鵬

繁草交苔迷屐迹何年虛置此荒亭也知先意欲延

賞爭奈可人期杳冥鬼若忌名偏弄病影難離我獨

隨形迢迢良夜渾如晝不會焚香空自醒

陳大咸

太陰欺白日春信忽山亭水落斷橋淺山連擁樹冥

病多常裹藥才薄勉勞形訪隱鄉心切紛華一夢醒

寄邢參

都穆少卿

君家只住城東路畏入城門日校書一片古心吾識

得許溪何日共移居

予嘗欲家許溪邢許結鄰

俞士鳴號鶴洲因書所感

吳寬學士

鶴洲鶴洲在何許云在吳西之滸墅水中可居名曰
洲今年大水鶴可游自聞水荒憂鶴饑安得爾如瓠
子肥秋深水落洲仍出葦間依然為爾室魚鰕飽食
當稻梁不歎無人念水荒

題施廷相振羽堂

楊循吉 主事

六月陽始壯天機動時物莎雞乃振羽氣至不可屈
有士家滸溪花木堂四蔚讀易聲琅琅面對山岬岊
省郎時來觀傳呼盛簪紱援毫祝高狎國風句聊荆
廣寒生仙桂方秋蒞金鬱願子如鵬飛一旦伴千佛
不願如候蟲么麼同倏歛士志貴上達六翼寧自詘

會見乘扶搖凌空把雲拂

題沈民望滸溪草堂

文徵明

翰林待詔
長洲人

何處閑雲築草堂虎嘒溪上舊吾鄉百年魚鳥常關
念一曲風煙擬自藏南望帆檣依樹轉西來墟落帶
山長最憐出郭紅塵遠春水還堪着野航

王穀祥

吏部員外郎
長洲人

君家舊業滸溪濱宅近青山樂我真背郭堂開多爽
氣綠郊地僻少塵氛百年恭敬惟桑梓一段幽閑屬
水雲蔣徑揚居那得似主人還是沈休文

張裕

憶昔攸芋舊草堂塵蹤遙寄水雲鄉渺茫澤國聞漁
唱蕭索輪囷護隱藏贏得閑身隨地寓獨遺遐思與
天長煙波回首終千古漫自扶衰上野航

王燦字

許墅關志卷之十七

許墅關志卷之十八

吳禮部祠祭清吏司郎中前進士刑科給事中長洲張裕纂輯

吳禮部祠祭清吏司主事前進士海陽陳大成校正

襟志

事有於志無所麗屬而莫或可遺雖稗官

夏諺亦宜存焉以資譚劇以備肆覽故為

襟志附見云

尹焯字彥明洛陽人師事程頤應舉發策議誅元

祐黨人不荅遂棄去授徒洛中靖康初召不至

襲號和靖處士金人陷洛闔門被害焯死復蘇

劉豫禮聘溺水逃去紹興五年以崇政殿說書

召凡二十辭八年冬始入見除秘書郎明年遷

太常少卿權禮部侍郎上疏論和議與秦檜書

忤意除徽猷閣待制提舉萬壽觀力辭遂奉外

祠即寓平江虎丘西菴時年七十矣郡志流寓傳及虎丘

志山 事有外志無所異而莫如何處報野官

何中立淮陽朐山書生也世為鼎族遭亂南渡寓於

吳郡嘗業儒能文一旦焚書裂衣遁去既歸荷簞

結廬于天慶觀即今玄妙觀龍王堂狎狂矣談久而皆

驗臥草中不垢不穢晨起必一至吳江渡焉郡至

吳江四十五里往返不數刻人固訝之會有一瘵

者拜謁乞鑿命持一簞草去疾遂愈始翕然傳簞

草可療病亦有求之不得竟不起者有以草煎湯

療病復緘于盒開視則生粉紅花兩朶於是遠近

敬異之觀中諸黃冠試以殿宇摧毀羣造其廬拜

且白之何從求疏軸主者謾以與何笑曰來日有

施者明午朝使果來荅曰我不能入覲以此累使

者孝宗聞而奇之會浙西趙憲伯為之請遂賜金

闕寥陽殿額出內帑緡錢數萬繪葺殿宇孝宗忽

夢有叢而跣者哭而來弔問之曰臣蘇人也詰其

故不肯言寤乃語左璫時上意崇緇抑黃弗深信也居月餘成恭莊文二后相繼卽世上矍然憶昨夢輒泣而嘆璫進曰臣微時聞蘇有何姓者類其人上大驚深念以規恢大計累年未有所屬且坤儀虛位圖所以膺佐餽承顏之重者焚香殿中默言曰何誠能僊必知朕意遂授璫以香茗曰汝見何唯致贊問所求則曰陛下禱矣璫奉命至何忽掉首曰有中國人卽有番人有日卽有月不須問趣之去復呼還曰所問者姓我猶忘之但言朱家例子不可用也使耆婦奏上曰誠知我心賜號通

神先生築菴觀內賜御寶書扁以寵之每以璫將命卽其居設干道齋合雲水之士施予優普一歲偶踰期或訝而請何亟起于臥揺手瞬目而招之曰亟來亟來璫是日舟至平望見何在岍泚招呼踵廬言之衆曰何固未嘗出也都道錄劉能貞自京口還次無錫默禱云先生果有靈感當出相見舟泊泚墅何從南來劉登岍揖何云小道不易出山果十枚贈別劉至郡則何未嘗出也可能耐寒暑勇於啖肉食至十數斤獨不飲酒先有衣襲寄於郭氏曰吾死則以此歛慶元三年五月二十二

日忽命取之明日坐而逝郡志

湖州臧達侍親秀州得瘵疾齋素誦觀音經夢白衣人鍼耳疾遂愈達欲為觀音像祈夢見之一夕夢示行道相達覺而畫焉後得美石造像覆以石室今應夢觀音殿是也

國初開平王常遇春取張士誠時寺中以畫相并銅香爐獻之王不受麾下士取畫相去後為常州范某得之初不知其為虎丘物也其母夢一女子曰送我還母問還何所曰虎丘翼旦母視畫相有虎丘字亟令送還舟宿滸野為偷兒携去有購之者

亦夢女子曰我家虎丘送我還其人復以還寺

爐虎丘鎮山故物也 國初為人所得藏于家輒有異瑞其人怪之乃以施靈谷舊寺僧還之虎丘後寺僧復以質張原禮錢四萬張亦得異瑞復以還寺俱見虎丘山志

支遁字道林姓關氏嘗往餘杭山沈思道術行唵獨暢後居支硎山報恩寺南峰院性好鶴鍛其翮不復飛視有懊喪意養令翮成飛去又好養名馬今有石室放鶴澗馬跡石

清遠道士不知何許人唐有清遠道士同沈恭子遊

虎丘詩我本長殷周遭罹歷秦漢四瀆與五嶽名

山盡幽窳及此窠區中始有近峰翫近峰何鬱鬱平湖渺渺漫吟挽川之陰步上山之岬山川共澄澈光彩交凌亂白雲翳欲歸青松忽消半

客去川島靜人來山鳥散谷深中見日崕幽曉非
旦聞子盛游遨風流足詞翰嘉茲好松石一言常
累嘆勿謂余鬼神忻君共幽贊顏魯公愛其詩為刻崕上因而繼
作不到東西寺于今五十春竭來從舊賞林壑宛
石坐千人金氣騰為虎琴臺化若神登壇仰生一
舍宅嘆珣珉中嶺分雙對迴巒絕四鄰窺臨江海
接崇飾四時新客有神仙者於茲雅麗陳名高清
遠峽文聚斗牛津迹異心寧聞聲同質豈均悠然
千載後知我挹光塵。山有清遠養鶴澗煉丹井
則道士於此不但一遊而已仙邪隱邪不可知也
申屠有涯方外士也嘗携一白甕瓶自陽羨遊吳大
風雪中脫衣賃舟沽酒斗餘飲畢大吐榜舟惡逐
之有涯挈瓶登岬倚壺高吟仲尼非不賢為世所不容唯唯同舟子不識人
長松任來但清嘯一壺隱塵蹤吟訖跳身入瓶舟

人大駭舉甕碎之無見也他日同舟者見有涯箕

踞虎丘澗池側逼問之倏不見郡志

正統十四年正月六日太湖中大貢山小貢山闢開

闔數次共沉於水起復闢踰時乃止觀者如堵杜東

原耕餘錄

弘治十三年差提督織造太監韓義與同撫按督令

蘇州府太倉州織造上用洗白腰機細布三千疋

于時巡撫南直隸左副都御史彭禮題稱會同巡

按直隸御史袁經議得前項布疋

祖宗以來百有餘年一向未曾派到况此州新立有

此徵科民心驚惶要乞自今之後就行停止若或服用有常難於卽已合無將濟墅鈔關課程量借助用疏上該工部題

准依擬行本年濟墅鈔關船料銀借用纂修志畧三千五百

王彬字同文號捫蝨濟墅人祖升之仕元為廣東廉

訪使父仲器 國初崑山儒學教諭彬善詩文永

樂中與修郡志子瑄孫裳皆世儒業教授鄉閭

沈文簡濟墅人隱居讀書嘗詠雞冠花人傳誦稱為

沈雞冠詩云秋半花開簇簇齊紅冠贏得品為雞

似愁丹臉濕倚風如對翠翎低可憐春事一曲歌殘玉井西

正統初節婦沈氏歸濟墅施璇暮年璇卒家人以少

寡無子欲奪其志沈即截髮顰誓佩刃嘗欲自刎

竟以貞操壽終不及旌焉人皆惜之

嘉靖十年二月貢外郎天池方君毀安樂尼院為義

塾時除院之供桌中有木方尺一藏於桌內咸以

為遇方折毀亦匠者之機巧漫應也

濟墅關志卷之十八

一為選方志理亦曰各之辨江景凱也元為
 一為報制製之掛桌中育木式又為濼然桌內如以
 嘉祥十年二月其水涸天出六武聖安樂其刻為委
 一黃以負射書然不又對無人皆掛文之傳謂補
 一真無千始奪其志或明清變論聖廟氏嘗谷自
 一五怒四前款或天禮掃聖城聖者中湖卒宋人以少

泚野關志後跋

志後咸再三讀而喟然嘆曰新志與斯
 地終乎志何諸史大要以昭善惡示鑒
 戒匪文焉炫去善惡孰為之定邪執道
 揆事雖雜而不越矣作志至有弊乎是
 故境望矣不為而彰也制備矣不顯而
 貞也政紀不麗而純也法輝不流而錫
 也植風教表民獻事流述陳而興起如

新也。駟之車以載任則亦為空車。為歸
之道。駟至行者遠矣。信哉。故曰。駟志與
駟地終也。凡我同志。此而執焉。得梁在
目行。亦越思。雖財鋪之區。變為患。即持
去。惟是運而化。馳為神矣。甘節子之乘
游。雖為成。而亦所以作乘之旨。則死成
所能為也。

嘉靖丁酉四月望日新養子陳

大成跋